

# Wā ko Jinion an Ajiri eo Nejum:

## Ta eo Kwoj Aikuj Jelā

Wā ko renij koba ilo pepa in ekkā aer maroñ juon wōt ien ippān niññin im ajiri iio ko imantata. Ewōr jenolok in *Kômelele ko ikijen Wā ilo Pepa in* ñan wā ko jot ekkā aer bar rojāñ ñan ajiri jidik bwe ren bōk (mijol, lobbor, , lennab, pok, kij in ameba, mejiin, im ialo A)

### Ajiri eo nejum ej bōk wā kein rainin:

DTaP       Hib       Hepatitis B       PCV       Polio

(Jikin Takto: Jaak bōq ko rekkar.)

### 1. Etke aikuj in bōk wā?

Wā ko remaroñ kabojrak nañinmej. Wā an ajiri aurok kinke ej jibañ kakajur mōkta jān an ajiri epāake nañinmej ko remaroñ kauwötata ñan- mour

#### Diphtheria, tetanus, im pertussis (DTaP)

- Diphtheria (D) emaroñ tōl ñan an ben emenono, joraan menono, mej enbwinin, ak mej.
- Tetanus (T) ej kōmman bwe en metak majel ko. Tetanus emaroñ tōl ñan joraan ko rellap ilo ejmour, koba ippān am jab maroñ kapellok loñiim, ben waroñlak im menono, ak mej.
- Pertussis (aP), bar nae etan “pokpok eo eddep,” emaroñ kōmman bwe en ben kantūrol, pokpok eo elap im ej kōmman an ben menono, moña, ak idaak. Pertussis emaroñ lukkun kamijak, elaptata nan niññin im ajiri ro redik, kōmman bwe en wor nañinmej in nimonia, māke kankan enbwin, joraan ilo kōmalij, ak mej.

#### Hib (*Haemophilus influenzae* type b) nañinmej

*Haemophilus influenzae* taib b emaroñ kōmman bwe en loñ kain joraan ko. Hib kij emaroñ kōmman bwe en wor nañinmej edik, ãinwot ko ilo lojilñi ak brochitis (ebboj ial eo an jikin menono), ak emaroñ kōmman nañinmej ko rellap, ãinwot nañinmej inbekjōn ilo bōtōktōk. Hib nañinmej inbekjōn ej bar kōmman nimonia; lap an eboj bōro, kōmman bwe en ben am menono; im loñ nañinmej inbekjōn ilo bōtōktōk eo, makoj, di, im turin menono eo. Hib nañinmej inbekjōn eo elap, bar nae etan “kajur Hib kij nañinmej,” ej aikuj bok komadmod ilo juon aujpítol im emaroñ in jot ien jemlok ilo mej.

Eloñ kōmelele ko ikijen wā rej wōr ilo kajin Jipānj im kajin ko jōt. Lale [www.immunize.org/vis](http://www.immunize.org/vis)

Hojas de información sobre vacunas están disponibles en español y en muchos otros idiomas. Etal ñan [www.immunize.org/vis](http://www.immunize.org/vis)

#### Naninmej in ialo. B

Naninmej in ialo B ej juon nañinmej ilo aj im emaroñ kōmman bwe en aitok lak an pād iumin jeijo wiik, ak emaroñ in ejake juon nañinmej eo elap, im aitok an pād ilo aolepen mour. Acute hepatitis nañinmej in ialo ej juon nañinmej eo ekadu - ien an pād im emaroñ koman bwe en wor piba, emokmok, jako an konan moña, maloñloñ, emmōjlak, oktak kolarin enbwin (iailo kil ak mej, maron kolar in dan in raut, kolar in clay bwidej eo an), im metak ilo majel, eo, im lojje.

Eto Kitien naninmej in ialo B nañinmej ej juon nañinmej eo aitok an pād im ej walok ñe ialo B baeroj ej pād ilo enbwinnin juon armij. Eloñ armij rej etal im bōk nañinmej in eto kitien ialo B im ejelok men ko rej kalikar, ak ej lukkun lap wōt im maroñ in tol ñan joraan in aj (cirrhosis), kānjōr in aj, im mej.

**Pneumococcal disease (PCV)** Pneumococcal kij nañinmej ej jerbal nan jabdewōt nañinmej ej kōmman jān pneumococcal kij. Kij kein remaroñ in kōmman eloñ kain nañinmej, koba ippān nimonia, im ej juon inbekjōn ilo aj. Ijelakin nimonia, pneumococcal kij emaroñ kōmman bwe en wor inbekjōn ilo lojilñi, inbekjōn in tuloan boti (ebboj ko ilo turin kōmalij im di lap), im bacteremia (inbekjōn ilo bōtōktōk). Eloñ pneumococcal inbekjōn ko redik. Botaab, jot remaroñ kwalok ekkar ilo joraan ko ilo ien-aitok, ãinwot joraan ilo kōmalij ak jako am maroñ roñjake. Eboj ilo kemlij im di leb, kij ilo botoktok, im nimonia eo ej itok jān nañinmej in pneumococcal emaroñ kōmman bwe en wor mej.



U.S. Tibaatmen eo an  
Jipān ilo Lelok Ejmour nan Aolep  
Jentor nan Kantirol im  
Bobrae Kij Naninmej

## **Polio**

**Polio** (ak poliomyelitis) ej juon nañinmej eo ej jelot am maroñ makütküt im kauwötata ñan mour ej itok jān kij in polio , eo ej jelot dilepin juon armij, im tōl ñan paralysis (jako an maroñ makütküt). Eloñ armij ro rej bōk kij in polio ejelok aer kakölle, im eloñ rej mour lak ilo an ejelok men eo ebin ej walok. Jot armij rej bōk nañinmej in kij in polioim rej ion e an ebboj būro, piba, emokmok, maloñloñ, metak bar, ak metak lojje, im eloñ armij ro ewōr aer kakölle kein renij mour lak ilo an ejelok men eo ebin ej walok. Juon doulol in armij eo ediklak emaroñ wōr aer kakölle ko relaplok: Emejmej tok (enjake piin im nidol ilo ne ko), meningitis (inbekjön ilo jikin eo ej pinej dilep eo im/ak kōmalij), ak paralysis (jab maroñ kamaküt eloñ mottan enbwin) ak mojno ilo pā, ne, ak jimor. Mej enbwin emaroñ tōl ñan lukkun jab maroñ makütküt im mej.

## **2. DTaP, Hib, hepatitis B, pneumococcal conjugate, im polio wā**

Niññin im ajiri ro ekkā aer aikuj:

- 5 wā in diphtheria, tetanus, im acellular pertussis wā (DTaP)
- 3 ak 4 alen wā in Hib wā
- 3 wā in naninmej in ialo B wā
- 4 alen wā in pneumococcal conjugate wā (PCV)
- 4 alen wā in polio wā

Eloñ ajiri remaroñ aikuj ietlak ak laplok jān joñan nōmba in wā ko ilo jot wā bwe en lukkun kōjbarok enbwinnier kin wōt iiō ko aer ilo wā ak jot bar jekjek ko.

**Ajiri ro re rutto lak, jodikdik, im rütto im eloñ** jot aer jekjek ilo ejmour ak unin kauwötata ko jot ak rekar jab bōk wā mōkta lak remaroñ in bar rojāñ in bōk 1 ak elaplok alen wā in jot ian wā kein.

Wā kein rej liwaj ilo aer māke-lak iaer ak āinwot juon wā eo ej koba ippān bar juon (juon kain wā ej kobaiki elaplok jān juon wā koba ippān doon).

## **3. Kōnnaan ippen taktō eo am**

Ba ñan jikin bōk wā eo am ñe ajiri eo ej bōk wā eo:

**Ñan aolepen wā kein:**

- Emōj an kadok e juon wā in meningococcal B mōkta lak, ak ewōr jabdewōt men ko ej kadok i rellap, im kakure mour

**Ñan DTaP:**

- Emōj an kadok e juon ian wā ko mōkta lak im ej kōjbarok jān diphtheria, tetanus, ak pertussis
- Emōj an pād ilo koma, diklak an emourur, ak dibübüb ko rej aitoklak ilowaan 7 raan elikin juon wā mōkta lak jān jabdewōt pertussis wā (DTP ak DTaP)
- Ewōr an naninmej in dibübüb ak juon bar joraān ilo enbwin
- Emōj an bōk Guillain-Barré syndrome (bar nae etan “GBS”)
- Emōj an pād ilo joñan metak eo elap ak ebboj elikin juon wā in jabdewōt kain mōkta lak im ej kōjbarok jān diphtheria ak tetanus

**Ñan PCV:**

- Emōj an kadok e juon wā in jabdewōt kain pneumococcal conjugate wā (PCV13, PCV15, PCV20, ak juon bar pneumococcal conjugate wā nae etan PCV7), ak ñan jabdewōt wā eo ewōr diphtheria toxoid (ilo waanjoñak, DTaP)

Ilo jot keij, jikin takto eo am emaroñ kelet in kōmman bwe en to lak ien am bōk MMR wā ñan juon ien am bar etal ilju jeklaj.

Armij ro edik nañinmej ko aer, āinwot pio, remaroñ bōk wā. Armij ro repād ilo iolap ak elap aer nañinmej rej aikuj kottar ñan ñe remour lak mōkta jān wā.

Jikin takto eo an ajiri eo nejum emaroñ lewaj elaplok melele.

## 4. Uwōta ko ilo an maroñ walok jabrewōt ilo enbwin elikin wā

### Ñan aolepen wā kein:

- Mejelok, bürōrō, menen, ebbōj , metak, ak bidodo am eñjake ijo wā eo ekar kōmman ie emaroñ walok elikin wā.

### Ñan DTaP wā, Hib wā, naninmej in ialo B wā, im PCV:

- Piba emaroñ walok elikin wā.

### Ñan DTaP wā:

- Jab eman am mour, eñjake am mok, jako am konan moñā, im emmōjlak ej walok elikin DTaP wā.
- Elaplok men ko rej walok, ãinwot dibübüb, ejelok-bojrak in jān iumin 3 awa ak elaplok, ako piba eo utiej (laplok jān 105°F) elikin DTaP wā ejeja lak an walok. Ilo jot ien, elikin wā ej kajur walok ebboj lo pā ak ne, elaptata ippān ajiri ro re ruttolak ñe rej bōk wā eo kein ka emāñ ak lalem.

### Ñan PCV:

- Jako an konan moña, ejjab eman am mour (ilulu), eñjake am mok, metak bar, im pio emaroñ walok elikin PCV wā.
- Ajiri ro redik remaroñ pād ilo kauwōtata elaplok ñan dibübüb jān piba elikin juon pneumococcal conjugate wā jokdoon ñe ej kōmman ilo juon wōt ien ãinwot wā in būlu eo ejañin jerbal. Kajitok ippān jikin takto eo am ñan melele ko relaplok.

Eja einwōt ñan jabrewōt uno, jidik wot an maroñ walok an wā jelōt im kōmman kadōk eo ekauwōtata, jorāān ko jōt im rellap, ak mij.

## 5. Ta elaññe enaaj wōr jorāān eo elap?

Kadok eo emaroñ walok elikin an armij eo ekar wā etal jen jikin wā eo. Ñe kwoj elolo kakölle in lap an juon kadok e (kinej, ebbōj mej im būro, ben menono, mokaj an bam ūb, rol lalin, ak mojno), kurlok **9-1-1** im boklok armij eo ñan aujpitōl eo epāāke tata eok.

Ñan kakölle ko jōt kwoj abunōnō kaki, kall e **lok taktō** eo am.

Kadōk ko relukun kauwōtata rej aikuj in riboot lok ñan Vaccine Adverse Event Reporting System (VAERS). Taktō eo am enej ekkā an **bael** riboot in, ak komaroñ bar make kōmmane. Lale VAERS **webjait eo ilo [www.vaers.hhs.gov](http://www.vaers.hhs.gov)** ak kurlok **1-800-822-7967**. VAERS ej ñan riboot wōt jabrewōt men ko walok ilo enbwin elikin wā, im rijerbal ro an VAERS rejjab lewaj naan in rōjañ ikijen ejmour.

## 6. Būrookraam in Jibañ an Kien ikijen Onean Joraan in Wā

National Vaccine Injury Compensation Program (VICP) ej juōn būrookraam eo an kien ekar kōmman ñan kōllā wōnāān armij ro remaroñ kar bōk jorāān jen jōt kain wā. Kleim ko ikijen jorāān ak mij itok wōt jen wā ewōr joñan ien lewaj ñan kanne, im emaroñ joñan kadu in einwōt ruo **iiō** . Etal ñan webjait eo an VICP ilo [www.hrsa.gov/vaccinecompensation](http://www.hrsa.gov/vaccinecompensation) ak kall e**1-800-338-2382** ñan jelā kin būrookraam eo im kin wāwein kanne juōn kleim.

## 7. Ewi wāwen ao jelā elaplok?

- Kajitōk ippēn taktō eo am.
- Kall e ra eo an ejmour ilo jukjukinbed ak **tibaatmen ilo bukwōn eo**.
- Lale pejj webjait an Rā eo an Moña im Uno ko Rekajur (FDA) ñan kobban wā im melele ko relaplok ilo [www.fda.gov/vaccines-blood-biologics/vaccines](http://www.fda.gov/vaccines-blood-biologics/vaccines).
- **Kir lok** Jentor eo **ikijen** Kantirol im **Bobrae Naninmej in Kij** (CDC, Jikin ko ñan Dāpj im Bōbrae Nañinmij ko - Kurlok **1-800-232-4636** (1-800-CDC-INFO) ak - Etal ñan webjait eo an CDC ilo [www.cdc.gov/vaccines](http://www.cdc.gov/vaccines).

